



Broj: 01-250/14
Vareš, 27.11. 2014. godine

Z A P I S N I K
s 22. sjednice Općinskog vijeća Vareš,
održane 30.10. 2014. godine

Zdravko Marošević – predsjedavajući Općinskog vijeća Vareš, otvorio je 22. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Mahira Brkić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Đemo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Jasmin Salketić, Goran Selak i Nikola Šimić.

Odsutni: Zdravko Barkić i Kenan Kamenjaš.

Pored vijećnika sjednici prisustvuju: Sekretar Općinskog vijeća - Leon Pavlović, pomoćnici općinskog načelnika, ispred Službe za privredu i finansije – Senad Mahmutović, ispred Službe za prostorno uređenje i obnovu – Nermin Aščerija i predsjednici političkih stranaka.

Sekretar OV Leon Pavlović izvijestio je Vijeće o realizaciji Zaključaka sa 21. sjednice OV održane 31.07.2014. godine. Na 21. sjednici OV donesena su tri (3) Zaključka od kojih je jedan (1) Zaključak realizovan, jedan (1) je u toku realizacije, a za jedan (1) Zaključak Stručna služba OV nije dobila pisani odgovor. Postavljeno je osam (8) vijećničkih pitanja, na četiri (4) vijećnička pitanja nadležni su dostavili pismeni odgovor podnosiocu pitanja a za četiri (4) vijećnička pitanja Stručna služba OV nije dobila pisane odgovore.

Predsjedavajući OV izvijestio je prisutne da na današnjoj sjednici, iz opravdanih razloga, nije prisutan Općinski načelnik i upoznao je Vijeće sa aktom broj: 02-1357/14 od 28.10.2014. godine, kojim je Općinski načelnik ovlastio pomoćnike načelnika gosp. Ermin Musa, gosp. Krnjić Zihnija i gosp. Rusmir Berberović, da ga zastupaju i u njegovo ime diskutuju i predlažu rješenja po tačkama dnevnog reda današnje sjednice.

Ovlašteni zastupnici Općinskog načelnika u okviru aktualne problematike na području općine Vareš, za današnju sjednicu nisu imali obraćanje.

(Vijećnička pitanja)

Elvir Rožajac

Podsjetio je prisutne na pitanja koja je postavio na prošloj sjednici OV i dao komentar na dostavljeni odgovor.

1. Traži od nadležnih iz organa uprave Općine Vareš da iznađu mogućnost proširenja trotoara u ulici Zvijezda na dijelu gdje su uklonjeni ruševni objekti? O postavljenom pitanju dao je pojašnjenje.

Safeta Muftić

2. Postoje li kakve planirane aktivnosti na zbrinjavanju i izmiještanju pasa lualica, kojih je u gradu sve više? O postavljenom pitanju u ime građana Vareša, dala je i pojašnjenje.
3. Hoće li se do početka zime, odnosno do novih padavina, pristupiti sanaciji dijela puta u naselju Selište, koji se obrušio prilikom majskih poplava? O postavljenom pitanju dala je kratko pojašnjenje.

Demo Kevrić

Podsjetio je na pitanje koje je postavio na 19. sjednici Vijeća, koje se odnosi na odvoz trupaca sa područja mjesnih zajednica. Traži od sekretara OV da mu se odgovori da li je navedeno pitanje proslijeđeno PJ Šumarija Vareš i ako nije da se isto proslijedi u PJ Šumarija radi dostavljanja odgovora. Izjavio je da nije zadovoljan odgovorom koji je dobio na pitanje koje se odnosi na izlistavanje finansijskih kartica po mjesnim zajednicama za 2013. godinu. O istom je dao pojašnjenje i insistira na dostavljanju traženih podataka. Dao je komentar i na postavljeno pitanje koje se odnosi na stavljanje posipnog materijala na dionicu puta Striježevo-Kokošćići.

4. Kada će se raditi ulična rasvjeta u MZ Striježevo?
5. Da li će biti poticaja za razvoj poljoprivredne proizvodnje u 2014. godini i zašto se kasni na realizaciji Izvještaja koji je po Programu rada OV planiran za mjesec oktobar tekuće godine?

Mario Mirčić

6. Iz kojih razloga JP Vareš-stan d.o.o. Vareš još uvijek ne vrši održavanje obnovljenih K-objekata? O postavljenom pitanju dao je pojašnjenje.
7. Dokle se došlo na rješavanju spora u vezi imovinsko-pravnih odnosa (MZ Pržiči, dio puta prema Breziku do crkve) i da li postoji mogućnost interventnog nasipanja dionice puta jer je oštećen usljed padavina?

Ismet Abdulahović

Izjavio je da nije dobio odgovor na postavljeno vijećničko pitanje na prošloj sjednici koje se odnosi na pregovore u vezi Profesionalne vatrogasne brigade.

8. Kada će se završiti elektrifikacija u MZ Dabravine u naselju Pruga i Botići? O postavljenom pitanju dao je kratko pojašnjenje.

Tajiba Brkić

9. Traži da se izvrši sanacija oštećenja (rupa) dijela puta od Pajtov Hana prema Budoželju i da nadležni za regionalne puteve izvrše sanaciju dijela puta kod klizišta? Pitanje upućeno Službi za prostorno uređenje i obnovu.

Nikola Šimić

10. Šta je sa sanacijom gradske ulice Nikovac? Traži da Općinska komisija izađe i utvrdi stanje na mostu i zidu u ulici Benići koji su oštećeni prilikom elementarne nepogode? O postavljenom pitanju dao je pojašnjenje.
11. Traži od nadležnih iz organa uprave Općine Vareš da izađu na teren i utvrde činjenično stanje na dijelu lokalnog puta u MZ Pogar (dio puta od Križa do Bara), kao i stanje mosta u Lukama na odvajanju prema Borovici koji je oštećen prilikom elementarne nepogode?

Mahira Brkić

Izrazila je negodovanje vezano za nedostavljanje odgovora od strane nadležnih na postavljeno vijećničko koje se odnosi na spisak osoba koje su dobile jednokratnu novčanu pomoć od Jedinственог опćinskog organa kao i spisak stipendista koji su stipendirani od strane Jedinственог опćinskog organa. O istom je dala pojašnjenje.

Jasmin Salketić

12. Traži od nadležne Službe iz organa uprave Općine Vareš da dostavi kompletnu informaciju – Tko je odgovoran za stanje na stadionu Nogometnog kluba Vareš?
13. Traži od nadležne Službe iz organa uprave Općine Vareš da dostavi podatke koji se odnose na iznos utrošenih sredstava na asfaltiranju od glavnog puta iz Dabravina do kraja sela Hodžići? Dao je pojašnjenje u vezi postavljenog pitanja.

Zdravko Marošević

14. Traži da se za narednu godinu planira sanacija mosta u ulici Benići, te da se uradi nešto i po pitanju uređenja ulice Matijevići? Dao je kratko pojašnjenje.
15. Zbog čega nadležna inspekcija organa uprave Općine Vareš, nije reagovala u skladu sa zakonskim propisima kao i ranijih godina, a vezano za javno oglašavanje (postavljenje izbornih plakata) po drveću u gradu ?

Predsjedavajući OV stavio je na raspravu Zapisnik sa 21. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 21. sjednice OV, te nakon izjašnjavanja vijećnika konstatuje da je **Zapisnik sa 21. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 21. sjednicu OV koji je usaglašen na Kolegiju Općinskog vijeća.

Ispred predlagača Ermin Musa pomoćnik načelnika na osnovu člana 61. i 62. Poslovnika o radu Općinskog vijeća, predložio je dopunu dnevnog reda za 22. sjednicu OV i to:

- da tačka 6. dnevnog reda bude „Prijedlog Zaključka o usvajanju Izvještaja o prijavljenim štetama usljed elementarne nepogode od poplava i klizišta tokom maja 2014. godine“ i
- da tačka 7. dnevnog reda bude „Prijedlog Zaključka o davanju saglasnosti na Odluku o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće.“

Usvajanjem ove dopune dnevnog reda, ostale tačke bi se pomjerile za dva mjesta.

Otvorena je rasprava o iznesenom prijedlogu za dopunu dnevnog reda u kojoj su učestvovali:

Vijećnik Ismet Abdulahović koji je izjavio ispred Kluba BPS da predložene tačke koje se odnose na dopunu dnevnog reda, imaju veliku važnost i da bi se trebale razmatrati na narednoj sjednici.

Vijećnik Elvir Rožajac koji je izjavio da je materijal za dopunu dnevnog reda dostavljen prije samog početka sjednice OV i da bez obzira na važnost materijala, ne može prihvatiti da se isti razmatra kao redovna tačka dnevnog reda.

Vijećnik Jasmin Salketić koji je zatražio od predlagača dodatno pojašnjenje u smislu da li su upute za izradu akata-kriterija koji su predloženi za dopunu dnevnog reda, došle sa viših nivoa Vlasti s obzirom da građani koji su u elementarnoj nepogodi pretrpjeli štete, očekuju pomoć u saniranju nastale štete.

Za riječ se javio Ermin Musa i ispred predlagača ponovio da su tačke za dopunu dnevnog reda predložene da se razmatraju pod tačkom 6. i 7 i da će vijećnici u toku rasprave dobiti dodatna pojašnjenja. Kad je u pitanju Izvještaj o prijavljenim štetama usljed elementarne nepogode od poplava i klizišta tokom maja 2014. godine, izjavio je da je Vijeće razmatralo i usvojilo raniji Izvještaja o štetama i da su u Izvještaju koji je predložen za dopunu dnevnog reda oko 60% navedeni isti podaci kao u Izvještaju koji je Vijeće ranije usvojilo. U Izvještaj su uvršteni dodatni podaci koji se odnose na štete koje su prijavila privatna lica. Na kraju svog obraćana još jednom je zamolio Vijeće da prihvati izneseni prijedlog za dopunu dnevnog reda današnje sjednice.

Vijećnik Mario Mirčić javio se za riječ i ispred Kluba Hrvatske koalicije izjavio da Klub prihvata prijedlog za dopunu dnevnog reda o čemu je dao kratko pojašnjenje.

Predsjedavajući OV predložio je Vijeću, ako smatraju da postoji potreba za konsultacijama Klubova, predloži pauzu.

Vijećnik Goran Selak ispred Kluba vijećnika SDP izjavio je da Klub prihvata prijedlog za dopunu dnevnog reda.

Predsjedavajući OV dao je pauzu u trajanju pet minuta na traženje Kluba SBB.

Nastavljeno je sa radom današnje sjednice.

Za riječ se javio vijećnik Ismet Abdulahović i ispred Kluba BPS izjavio da Klub prihvata prijedlog za dopunu dnevnog reda današnje sjednice.

Vijećnica Safeta Muftić ispred Kluba SBB izjavila je da Klub prihvata prijedlog za dopunu dnevnog reda, s napomenom da će Klub zatražiti pauzu prije razmatranja tačke 6.

Vijećnik Elvir Rožajac izjavio je da prihvata prijedlog za dopunu dnevnog reda današnje sjednice.

Nije više bilo rasprave o dopuni dnevnog reda i predsjedavajući OV stavio je na izjašnjavanje prijedlog dopune dnevnog reda za 22. sjednicu.

Nakon izjašnjavanja vijećnika predsjedavajući OV konstatuje da je **jednoglasno usvojen prijedlog za dopunu dnevnog reda 22. sjednice.**

Otvorena je rasprava po dnevnom reda 22. sjednice OV sa usvojenom dopunom.

Za riječ se javio vijećnik Đemo Kevrić koji je izjavio da po prvi put se dešava da Općinski načelnik nije prisutan prilikom razmatranja Izvještaja o realizaciji budžeta.

Nije više bilo rasprave i predsjedavajući OV stavio je na izjašnjavanje prijedlog dnevnog reda za 22. sjednicu OV sa prihvaćenom dopunom dnevnog reda, te nakon izjašnjavanja vijećnika konstatuje da je **jednoglasno usvojen s l i j e d e ć i**

D n e v n i r e d

1. Izvještaj / Izvješće o izvršenju budžeta / proračuna Općine Vareš za period januar/siječanj – septembar/rujan 2014. godine.
-Izvjestilac: Služba za prostorno uređenje, urbanizam i privredu
2. Prijedlog Odluke o načinu i uslovima prodaje građevinskog zemljišta
-Izvjestilac: Služba za prostorno uređenje, urbanizam i privredu
3. Prijedlog Odluke o gubitku statusa javnog dobra u općoj upotrebi
-Izvjestilac: Služba za prostorno uređenje, urbanizam i privredu
4. Prijedlog Rješenja o prestanku prava upravljanja Rudniku i željezari Vareš
Izvjestilac: Služba za prostorno uređenje, urbanizam i privredu
5. Prijedlog Rješenja o imenovanju Komisije za sprovođenje javnog nadmetanja-licitacije u postupku prometa neizgrađenog građevinskog zemljišta.
Izvjestilac: Služba za prostorno uređenje, urbanizam i privredu
6. Prijedlog Zaključka o usvajanju Izvještaja o prijavljenim štetama usljed elementarne nepogode od poplava i klizišta tokom maja 2014. godine.
-Izvjestilac: Služba za prostorno uređenje, urbanizam i privredu
7. Prijedlog Zaključka o davanju saglasnosti na Odluku o kriterijima na Odluku o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće.
-Izvjestilac: Služba za prostorno uređenje, urbanizam i privredu
8. Prijedlog Programa finansiranja komunalnih djelatnosti za 2015. godinu.
-Izvjestilac: Služba za prostorno uređenje, urbanizam i privredu
9. Izvještaj o realizaciji Odluke općinskog fonda za vatrogastvo u 2013. godini.
-Izvjestilac: Služba za civilnu zaštitu
10. Izvještaj o realizaciji Programa rada Općinskog vijeća Vareš za prvo polugodište 2014. godine

-Izvjestilac: Stručna služba OV i predsjedavajući OV

11. Informacija o realizaciji projekata infrastrukture na području općine Vareš u 2014. godini.

–Izvjestilac: Služba za prostorno uređenje, urbanizam i privredu

12. Informacija o stanju napajanja električnom energijom na području općine Vareš i mjerama na poboljšanju iste

–Izvjestilac: Služba za prostorno uređenje, urbanizam i privredu

13. Informacija o stipendiranju i stipendistima općine Vareš u 2013/2014. godine.

–Izvjestilac: Služba za opću upravu i društvene djelatnosti

14. Informacija o realizovanim projektima NVO sektora i saradnji sa javnim sektorom na području općine Vareš

-Izvjestilac: Služba za opću upravu i društvene djelatnosti

15. Tekuća pitanja.

Ad. 1.

*(Izveštaj/Izvešće o izvršenju budžeta/proračuna
Općine Vareš za period januar/siječanj- septembar/rujan 2014. godine.)*

Komisija za privredu, finansije i budžet na 7. sjednici održanoj 27.10.2014. godine, sa 2 glasa „ZA“ i 2 „SUZDRŽANA“ glasa, **uputila je**

Izveštaj/Izvešće o izvršenju budžeta/proračuna Općine Vareš za period januar/siječanj – septembar/rujan 2014. godine, Općinskom vijeću na razmatranje.

Otvorena je rasprava u kojoj su svoje primjedbe, prijedloge, sugestije i mišljenja iznijeli vijećnici:

Vijećnica Safeta Muftić u svom obraćanju izjavila je da Klub SBB neće podržati ovu tačku dnevnog reda o čemu je dala pojašnjenje.

Vijećnik Đemo Kevrić u svom obraćanju zatražio je od predlagača pojašnjenje u vezi utrošenih sredstava za mjesne zajednice. Predložio je da se organizacija i obilježavanje dočeka Nove godine, obilježava na simboličan način kao što to obilježavaju druge susjedne općine.

Vijećnik Jasmin Salketić javio se za repliku, a potom Đemo Kevrić.

Vijećnik Elvir Rožajac izjavio je da neće podržati ovu tačku dnevnog reda o čemu je dao kratko pojašnjenje.

Vijećnik Ismet Abdulahović u svom obraćanju zatražio je od nadležnih da se dostavi spisak volontera (ime i prezime) koji su angažovani i koje je finansirala Općina Vareš u periodu I-IX 2014. godine. Dao je komentar koji se odnosi na grantove neprofitnim organizacijama, te u vezi s tim zatražio pojašnjenje i odgovor od nadležnih zašto nevladine organizacije koje su aplicirale na oglas nikad nisu dobile odgovor u zadanom roku.

Nije više bilo učesnika u raspravi i predsjedavajući OV zaključio je raspravu.

Predsjedavajući OV stavio je na izjašnjavanje Izvještaj/Izvjješće o izvršenju budžeta/proračuna Općine Vareš za period januar/siječanj – septembar/rujan 2014. godine.

Nakon izjašnjavanja vijećnika predsjedavajući OV konstatuje da sa **8 glasova „ZA“, 7 glasova „PROTIV“ i 2 „SUZDRŽANA“ glasa nije usvojen**

***Izvyěštaj/Izvyěšće o izvršenju budžeta/proračuna
Općine Vareš za period januar/siječanj –septembar/rujan 2014. godine.***

Ad.2.

(Prijedlog Odluke o načinu i uslovima prodaje građevinskog zemljišta.)

Komisija za statutarna pitanja i propise, na 18. sjednici održanoj 27.10. 2014. godine, jednoglasno je donijela slijedeći Zaključak:

-Komisija nema primjedbi na Prijedlog Odluke o načinu i uslovima prodaje građevinskog zemljišta, te je upućuje Vijeću na razmatranje.

Ispred predlagača Ermin Musa pomoćnik načelnika dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Safeta Muftić koja je zatražila je od predlagača dodatno pojašnjenje i odgovor da li je objekat u vlasništvu privatnog ili pravnog lica. Mario Mirčić koji je predložio da se u Prijedlogu Odluke riječ „kapara“ zamijeni sa riječi „depozit“ odnosno da se terminološki prilagodi. O predloženom je dao pojašnjenje. Vijećnik Ismet Abdulahović iznio je svoje mišljenje u vezi ove tačke dnevnog reda.

Ispred predlagača Ermin Musa pomoćnik načelnika dao je pojašnjenje na traženje vijećnice Safete Muftić i na osnovu prijedloga vijećnika Maria Mirčić izjavio je da će ovlašteni predlagač terminološki prilagoditi navedenu riječ „kapara“ u Prijedlogu Odluke.

Nije više bilo učesnika u raspravi i predsjedavajući OV stavio je na izjašnjavanje Prijedlog Odluke o načinu i uslovima prodaje građevinskog zemljišta.

Nakon izjašnjavanja vijećnika predsjedavajući OV konstatuje da je **jednoglasno usvojena**

Odluka o načinu i uslovima prodaje građevinskog zemljišta.

Ad. 3.

(Prijedlog Odluke o gubitku statusa javnog dobra u općoj upotrebi.)

Komisija za statutarna pitanja i propise, na 18. sjednici održanoj 27.10. 2014. godine, jednoglasno je donijela slijedeći Zaključak:

-Komisija nema primjedbi na Prijedlog Odluke o gubitku statusa javnog dobra u općoj upotrebi, te je upućuje Vijeću na razmatranje.

Otvorena je rasprava u kojoj su učestvovali vijećnici: Safeta Muftić koja je zatražila dodatno pojašnjenje u vezi parcele koja je navedena u Prijedlogu Odluke i Elvir Rožajac koji izjavio je da će prilikom izjašnjavanja po ovoj tački dnevnog reda biti suzdržan o čemu je dao pojašnjenje.

Ispred predlagača Ermin Musa pomoćnik načelnika dao je dodatno pojašnjenje na traženje vijećnice Safete Muftić.

Zatvorena je rasprava i predsjedavajući OV stavio je na izjašnjavanje Prijedlog Odluke o gubitku statusa javnog dobra u općoj upotrebi.

Nakon izjašnjavanja vijećnika predsjedavajući OV konstatuje **da je sa 12 glasova „ZA“ i 5 „SUZDRŽANIH“ glasova usvojena**

Odluka o gubitku statusa javnog dobra u općoj upotrebi.

Ad. 4.

(Prijedlog Rješenja o prestanku prava upravljanja Rudniku i željezari Vareš.)

Otvorena je rasprava u kojoj su učestvovali vijećnici: Safeta Muftić koja je tražila dodatno pojašnjenje u vezi navedene pravne pouke u Prijedlogu Rješenja koja se odnosi na mogućnost pokretanja upravnog spora. Vijećnik Mario Mirčić sugerisao je organu uprave da je potrebno izvršiti uvid u kompletan diobeni bilans subjekata koji su nastali diobom Rudnika i željezare Vareš o čemu je dao pojašnjenje.

Ispred predlagača Ermin Musa pomoćnik načelnika dao je dodatno pojašnjenje koje je tražila vijećnica Safeta Muftić.

Nije više bilo učesnika u raspravi i predsjedavajući OV stavio je na izjašnjavanje Prijedlog Rješenja o prestanku prava upravljanja Rudniku i željezari Vareš.

Nakon izjašnjavanja vijećnika predsjedavajući OV konstatuje da **jednoglasno usvojeno**

Rješenje o prestanku prava upravljanja Rudniku i željezari Vareš.

Ad. 5.

(Prijedlog Rješenja o imenovanju Komisije za sprovođenje javnog nadmetanja-licitacije u postupku prometa neizgrađenog građevinskog zemljišta.)

Otvorena je rasprava u kojoj su svoje primjedbe, prijedloge i mišljenja iznijeli vijećnici:

Vijećnica Safeta Muftić predložila je izmjenu predloženih kandidata Komisije i to:

- da predsjednik komisije bude zamjenik člana pod rednim brojem 2., da zamjenik člana pod rednim brojem 3. bude član komisije, a da sadašnji predsjednik komisije pod rednim brojem 1. bude zamjenik člana kao i član komisije pod rednim brojem 3. bude zamjenik člana.

Vijećnik Ismet Abdulahović sugerisao je da se treba voditi računa o nacionalnoj strukturi prilikom imenovanja komisije.

Ispred predlagača Ermin Musa pomoćnik načelnika javio se za riječ izjavio da je sastav komisije predložen od strane Općinskog načelnika koju imenuje Općinsko vijeće.

Predsjedajući OV iznio je mišljenje da Vijeće može dati sugestiju općinskom načelniku i vratiti materijal da ovlaštenu predlagaču uvaži kriterije iznesene u raspravi.

Za riječ se javio vijećnik Mario Mirčić koji je iznio mišljenje da se Ermin Musa pomoćnik načelnika ne može izjasniti o predloženim prijedlozima u ime ovlaštenog predlagača.

U daljoj raspravi su učestvovali vijećnici Ismet Abdulahović i Jasmin Salketić koji je predložio pauzu u trajanju od 30 minuta radi konsultacija.

Predsjedavajući OV dao je pauzu u trajanju od 30 minuta.

Nastavljeno je sa radom sjednice.

Za riječ se javio pomoćnik načelnika Ermin Musa koji je nakon konsultacija predložio izmjenu koja se odnosi na sastav Komisije i to: **član komisije pod rednim brojem 3. će biti zamjenik člana, a zamjenik pod rednim brojem 3. će biti član komisije.**

Nije više bilo učesnika u raspravi i predsjedavajući OV stavio je na izjašnjanje Prijedlog Rješenja o imenovanju Komisije za sprovođenje javnog nadmetanja-licitacije u postupku prometa neizgrađenog građevinskog zemljišta sa predloženom izmjenom od strane pomoćnika načelnika Ermina Muse.

Nakon izjašnjanja vijećnika predsjedavajući OV konstatuje da je **jednoglasno usvojeno**

Rješenje o imenovanju Komisije za sprovođenje javnog nadmetanja-licitacije u postupku prometa neizgrađenog građevinskog zemljišta.

Ad.6.

(Prijedlog Zaključka o usvajanju Izvještaja o prijavljenim štetama usljed elementarne nepogode od poplava i klizišta tokom maja 2014. godine.)

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Zaključka o usvajanju Izvještaja o prijavljenim štetama usljed elementarne nepogode od poplava i klizišta tokom maja 2014. godine.

Nakon izjašnjanja vijećnika predsjedavajući OV konstatuje da sa **jednoglasno usvojen**

Zaključak o usvajanju Izvještaja o prijavljenim štetama usljed elementarne nepogode od poplava i klizišta tokom maja 2014. godine.

Ad. 7.

(Prijedlog Zaključka o davanju saglasnosti na Odluku o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće.)

Otvorena je rasprava u kojoj su učestvovali vijećnici: Jasmin Salketić koji je sugerisao pomoćnicima načelnika da se licima koja podnose zahtjeve za dodjelu sredstava, pruži pomoć u podnošenju istog i daju dodatna pojašnjenja u vezi ostvarivanju prava. O iznesenom je dao pojašnjenje i izjavio da će Klub SDA prihvatiti Prijedlog Zaključka. Vijećnik Mario Mirčić

iznio je mišljenje u vezi kriterija za dodjelu sredstava i izjavio da će Klub Hrvatske koalicije podržati Prijedlog Zaključka.

Nije više bilo učesnika u raspravi i predsjedavajući OV stavio je na izjašnjavanje Prijedlog Zaključka o davanju saglasnosti na Odluku o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće.

Nakon izjašnjavanja vijećnika predsjedavajući OV konstatuje da je **jednoglasno usvojen**

Zaključak o davanju saglasnosti na Odluku o kriterijima za dodjelu sredstava čiji su stambeni objekti uništeni ili oštećeni usljed prirodne nesreće.

Ad. 8.

(Prijedlog Programa finansiranja komunalnih djelatnosti za 2015. godinu.)

Otvorena je rasprava u kojoj su svoje prijedloge, primjedbe i mišljenja iznijeli vijećnici:

Vijećnik Elvir Rožajac koji je izjavio da neće podržati ovu tačku dnevnog reda o čemu je dao pojašnjenje.

Vijećnik Đemo Kevrić koji je u svom izlaganju skrenuo pažnju na čišćenje lokalnih puteva po završetku zimskog perioda i broju navedenih intervencija. Predložio je da se u tabeli na str. br. 6. „Čišćenje puteva drugog prioriteta“, gdje stoji dionica „Striježevo-Kokošćići“ uvrsti i dionica „Zaseok Juke-Smajići“. O predloženom je dao pojašnjenje.

Vijećnik Ismet Abdulahović u svom izlaganju predložio je da Vijeće donese Zaključak da se na kraju godine sprovede javna rasprava na kojoj bi nadležni izvijestili o realizaciji Programa finansiranja komunalnih djelatnosti i u kojoj bi građani mogli iznijeti svoje mišljenje o istom

Vijećnik Zdenko Franjić u svom izlaganju predložio je da se na str. br. 6 „Čišćenje lokalnih puteva prvog prioriteta“ doda pod rednim brojem 15. relacija „Pobrin Han-Sjenokos-Selakovo Zaruđe-Pogar“. O predloženom je dao pojašnjenje.

Vijećnica Mahira Brkić postavila je pitanje izvjestiocu koje se odnosi na čišćenje lokalnog puta Pajtov Han-Budoželje, odnosno gdje je krajnja granica čišćenja na Budoželju. (Pomoćnik načelnika Ermin Musa dao je odgovor u kome je izvijestio da je čišćenje planirano do kraja sela Budoželje.)

Predsjedavajući OV Zdravko Marošević predložio je da lokalni put Ponikve - Javornik koji je uvršten u puteve drugog prioriteta, uvrsti se u lokalne puteve prvog prioriteta. O predloženom je dao pojašnjenje.

Ispred predlagača Ermin Musa pomoćnik načelnika javio se za riječ i izjavio da je većina primjedbi, koje su vijećnici iznijeli u raspravi, opravdana i da se veći broj njih može prihvatiti. Iznesena primjedba vijećnika Zdenka Franjić će se uvažiti. U vezi iznesene primjedbe vijećnika Đeme Kevrić, koja se odnosi na čišćenje posipnog materijala, izjavio je da će se to regulisati Ugovorom o zimskom održavanju. U vezi iznesene primjedbe koja se odnosi na dionicu puta zaseok Juke-Smajići, izjavio je da će se prihvatiti. U vezi iznesene primjedbe od strane predsjedavajućeg OV, ispred ovlaštenog predlagača, uz dodatno pojašnjenje izjavio je da se primjedba može uvažiti.

Nije više bilo učesnika u raspravi i predsjedavajući OV stavio je na izjašnjavanje Prijedlog finansiranja komunalnih djelatnosti za 2015. godinu sa prihvaćenim izmjenama.

Nakon izjašnjavanja vijećnika predsjedavajući OV konstatuje da je sa **13 glasova „ZA“, 1 glasom „PROTIV“ i 2 „SUZDRŽANA“ glasa usvojen**

Programa finansiranja komunalnih djelatnosti za 2015. godinu.

Ad. 9.

(Izveštaj o realizaciji Odluke općinskog fonda za vatrogastvo u 2013. godini.)

Nije bilo učesnika u raspravi i predsjedavajući OV stavio je na izjašnjanje Izveštaj o realizaciji Odluke općinskog fonda za vatrogastvo u 2013. godini.

Nakon izjašnjanja predsjedavajući OV konstatuje da je **jednoglasno usvojen**

Izveštaj o realizaciji Odluke općinskog fonda za vatrogastvo u 2013. godini.

Ad. 10.

*(Izveštaj o realizaciji Programa rada
Općinskog vijeća za prvo polugodište 2014. godine.)*

Sekretar OV Laon Pavlović u svom obraćanju predložio je Vijeću da prilikom izjašnjanja po ovoj tački dnevnog reda, izjasni se o slijedećim prijedlozima Zaključaka i to:

1. Sugerše se Stručnoj službi Općinskog vijeća, Općinskom načelniku i Službama za upravu da se maksimalno angažuju na obradi i pripremi preostalog dijela iz Programa rada Općinskog vijeća za 2014. godinu, kako bi se isti u cijelosti realizovao.
2. Zadužuje se Općinski načelnik da do 23. sjednice Općinskog vijeća izmiri sve obaveze prema radnim tijelima općinskog vijeća iz 2013. godine i da do kraja tekuće godine nastoji izvršiti dio obaveza prema Vijeću i komisijama vijeća za sjednice iz 2014. godine.

Otvorena je rasprava u kojoj su učestvovali vijećnici:

Vijećnik Đemo Kevrić koji je u svom izlaganju predložio prijedlog Zaključka da ubuduće u Izveštaju o izvršenju Programa rada OV budu prikazani i finansijski podaci po pregledu održanih sjednica radnih tijela Općinskog vijeća. O predloženom je dao pojašnjenje i zatražio da se o njegovom prijedlogu izjasni Vijeće.

Predsjedavajući OV Zdravko Marošević iznio je svoje mišljenje u vezi podataka koji se odnose na učestvovanje vijećnika u raspravama.

Vijećnica Tajiba Brkić ispred Kluba vijećnika SDA dala je pozitivan komentar na rad Stručne službe OV.

Nije više bilo učesnika u raspravi i predsjedavajući OV stavio je na izjašnjanje Izveštaj o realizaciji Programa rada Općinskog vijeća Vareš za 2014. godinu uz predložene Zaključke.

Nakon izjašnjanja vijećnika predsjedavajući OV konstatuje da **su jednoglasno usvojeni**

Izveštaj o realizaciji Programa rada Općinskog vijeća Vareš za 2014. godinu i

Zaključci:

- 1. Sugerše se Stručnoj službi Općinskog vijeća, Općinskom načelniku i Službama za upravu da se maksimalno angažuju na obradi i pripremi preostalog dijela iz Programa rada Općinskog vijeća za 2014. godinu, kako bi se isti u cijelosti realizovao.**
- 2. Zadužuje se Općinski načelnik da do 23. sjednice Općinskog vijeća izmiri sve obaveze prema radnim tijelima općinskog vijeća iz 2013. godine i da do kraja tekuće godine nastoji izvršiti dio obaveza prema Vijeću i komisijama vijeća za sjednice iz 2014. godine.**
- 3. Da se kod obrade i izrade Izvještaja o realizaciji Programa rada Općinskog vijeća (polugodišnje i godišnje) pored ostalih podataka, prikažu i financijski podaci o izmirenim i neizmirenim obavezama prema Vijeću i radnim tijelima Vijeća.**

Ad. 11.

*(Informacija o realizaciji projekata
infrastrukture na području općine Vareš u 2014. godini.)*

Otvorena je rasprava u kojoj su svoje prijedloge, primjedbe i mišljenja iznijeli vijećnici:

Vijećnica Safeta Muftić u svom obraćanju skrenula je pažnju na put u naselju Selište koji je pripremljen za asfaltiranje u dužini od 360 metara, a asfaltirano je samo 100 metara. Također je skrenula pažnju na potrebu u vezi realizacije projekata za rekonstrukciju puteva prema naseljima gdje živi veliki broj stanovnika.

Vijećnik Mario Mirčić skrenuo je pažnju na put R 444 A i probleme koji se javljaju u vezi neriješenih imovinsko-pravnih odnosa javnih dobara i puteva. U vezi s tim sugerše nadležnim Službama organa uprave da se maksimalno angažuju i uključe u rješavanje ovog problema i svih ostalih problema kad je u pitanju rješavanje imovinsko-pravnih odnosa.

Vijećnik Elvir Rožajac u svom obraćanju skrenuo je pažnju da se prilikom sanacije puta Daštansko-Brgule, obrati pažnja i na naselja Kapetanovići, Pajtovići i sl. o čemu je dao pojašnjenje.

Vijećnik Ismet Abdulahović u svom obraćanju zatražio je radi javnosti dodatno pojašnjenje u vezi navedenih projekata u Informaciji.

Vijećnik Đemo Kevrić u svom obraćanju traži odgovor od ovlaštenog predlagača da li su plaćena sva navedena sredstva u stavci „Realizovani projekti infrastrukture u 2014. godini“, a ako nisu za koje projekte nisu uplaćena sredstva i koji je to iznos. Sugerisao je ovlaštenom predlagaču da se u Informaciji navedu nazivi gradskih ulica koje su rekonstruisane i koliko je koštala njihova rekonstrukcija.

Nije više bilo učesnika u raspravi i predsjedavajući OV konstatuje uz Zaključak da je **Vijeće primilo k znanju**

*Informaciju o realizaciji projekata
infrastrukture na području općine Vareš u 2014. godini.*

Ad. 12.

(Informacija o stanju napajanja električnom energijom na području općine Vareš i mjerama na poboljšanje iste.)

Otvorena je rasprava u kojoj su svoje prijedloge, primjedbe i mišljenja iznijeli vijećnici:

Vijećnik Elvir Rožajac upoznao je Vijeće sa problemima mještana u MZ Ravne u vezi napajanja električnom energijom.

Predsjedavajući OV Zdravko Marošević skrenuo je pažnju na podatke navedene u Informaciji a odnose se na trogodišnji plan ulaganja u općinu Vareš od strane Podružnice Elektro distribucija Zenica. U vezi s tim zatražio je radi javnosti od predlagača dodatno pojašnjenje za koje je EEO planirana izgradnja i rekonstrukcija.

Vijećnica Tajiba Brkić podsjetila je na rekonstrukciju visokonaponske mreže od Pajtov Hana do Budoželja.

Vijećnik Nikola Šimić u svom obraćanju zatražio od Elektro distribucije da se izvrši prokres i otklone problemi napajanja električnom energijom. Upoznao je prisutne sa problemom napajanja električnom energijom na dijelu od Mrestilišta prema Osredku i u vezi s tim traži od ovlaštenog predlagača da ovaj problem bude prioritet i da se u dogovoru sa nadležnim, u skorije vrijeme i riješi.

Vijećnik Mario Mirčić podsjetio je na problem napajanja električnom energijom mještana MZ Pržići i Daštansko te izrazio negodovanje zbog nedolaska na sjednicu rukovodioca poslovnih jedinica Elektro distribucije.

Vijećnik Đemo Kevrić u svom obraćanju skrenuo je pažnju na nedolazak rukovodioca poslovnih jedinica Elektro distribucije iako su pozvani na današnju sjednicu Vijeća i u vezi s tim sugerisao je da se ova tačka dnevnog reda trebala uvrstiti u dnevni red među prvim tačkama. Također je podsjetio na zaključak koji je predlagan na jednoj od ranijih sjednica, a koji se odnosi na prisustvo predlagača prilikom razmatranja Informacija ili Izvještaja.

Vijećnik Jasmin Salketić predložio je da se uputi dopis JP Elektro distribucija i da se traži da prilikom razmatranja ove Informacije na sjednici Vijeća budu prisutni njihovi predstavnici kako bi vijećnici mogli tražiti određena pojašnjenja.

Predsjedavajući OV je na osnovu rasprave vijećnika, Vijeću predložio i stavio na izjašnjavanje slijedeći

Zaključak:

- **Informacija o stanju napajanja električnom energijom na području općine Vareš i mjerama na poboljšanje iste se prima k znanju, uz konstataciju da je Informacija po sadržaju kratka, terminološki nedorečena u pogledu naziva naseljenih mjesta gdje će se vršiti izgradnja i rekonstrukcija elektro vodova, objekata i uređaja, te da i pored uredno upućenih poziva rukovodiocima radnih (poslovnih) jedinica u Varešu, njihovo prisustvo je izostalo i ako je bilo poželjno, s obzirom da se radi o značajnom pitanju za građane općine Vareš.**

Nakon izjašnjavanja vijećnika predsjedavajući OV konstatuje da je **jednoglasno usvojen predloženi Zaključak.**

Ad. 13.

*(Informacija o stipendiranju i stipendistima
iz općine Vareš u školskoj 2013/2014. godini.)*

Otvorena je rasprava u kojoj su učestvovali vijećnici:

Vijećnica Mahira Brkić uputila je sugestiju Službama organa uprave u vezi dostavljanja određenih podataka. O iznesenom je dala obrazloženje i zatražila dodatno pojašnjenje u vezi podataka koji se odnose na sredstva za stipendije.

Ispred predlagača Rusmir Berberović pomoćnik načelnika dao je dodatno pojašnjenje na traženje vijećnice Mahire Brkić, a koje se odnosi na podatke navedene u Informaciji. Predložio je da nadležna Služba za narednu godinu pripremi prijedlog stipendiranja u kome bi se naveli podaci o eventualnim zanimanjima koja bi općina stipendirala.

Za riječ se javila vijećnica Mahira Brkić koja je dala komentar na pojašnjenje izneseno od strane pomoćnika načelnika Rusmira Berberovića i naglasila na podatak da nije bio objavljen konkurs za dodjelu općinskih stipendija, a da je u Izvještaju o izvršenju budžeta tačka 1. navedeno da je vršena isplata po osnovu stipendija.

Za riječ se ponovo javio pomoćnik načelnika Rusmir Berberović koji je izjavio da iz budžeta Općine Vareš nisu isplaćivane nikakve stipendije.

Vijećnik Ismet Abdulahović u svom obraćanju skrenuo je pažnju Vijeću na odgovornost prilikom donošenja određenih akata.

Vijećnik Elvir Rožajac dao je komentar u vezi ove tačke dnevnog reda i određenih podataka.

Nije više bilo učesnika u raspravi i predsjedavajući OV konstatuje uz Zaključak da je **Vijeće primilo k znaju**

***Informaciju o stipendiranju i stipendistima
iz općine Vareš u školskoj 2013/2014. godini.***

Ad. 14.

*(Informacija o realizovanim projektima NVO sektora
i saradnji sa javnim sektorom na području općine Vareš.)*

Otvorena je rasprava u kojoj su učestvovali vijećnici:

Vijećnik Mario Mirčić traži pojašnjenje na koji način funkcionira Nogometni klub Vareš s obzirom da su stadion i prostorije Kluba nefunkcionalni-uništeni.

Vijećnika Jasmin Salketić u svom obraćanju skrenuo je pažnju na tehničku grešku u Izvještaju.

Ispred predlagača Rusmir Berberović pomoćnik načelnika dao je dodatno pojašnjenje na traženje vijećnika Maria Mirčić i upoznao prisutne sa problemima koji su nastali u NK Vareš, a vezani su za započetu sanaciju stadiona.

Vijećnik Nikola Šimić u svom obraćanju iznio je nezadovoljstvo u vezi stanja Nogometnog Kluba Vareš o čemu je dao pojašnjenje i izjavio da odgovorni za trenutno stanje u kome se nalazi NK Vareš, moraju odgovarati.

Vijećnik Ismet Abdulahović u svom obraćanju predložio je da Vijeće donese zaključak po kome bi se Policijskoj stanici Vareš uputio dopis u vezi ispitivanja okolnosti koje su se dogodile u NK Vareš i u vezi s tim podnese krivična prijava protiv odgovornih.

Za riječ se javio Rusmir Berberović pomoćnik načelnika koji je u svom obraćanju sugerisao da Vijeće donese zaključak kojim bi se zadužila nadležna Služba organa uprave da uputi dopis Nogometnom klubu Vareš i Policijskoj stanici Vareš u kome bi se tražila informacija o tome šta je do sada učinjeno i šta je poduzeto u vezi nastalog problema u Nogometnom klubu Vareš.

Nije više bilo učesnika u raspravi i predsjedavajući OV konstatuje uz Zaključak da je **Vijeće primilo k znanju**

Informaciju o realizovanim projektima NVO sektora i saradnji sa javnim sektorom na području općine Vareš.

Predsjedavajući OV je na osnovu diskusije u raspravi predložio i stavio na izjašnjavanje slijedeći

Zaključak:

- **Zadužuje se nadležna Služba organa uprave Općine Vareš da za narednu sjednicu OV, Vijeću dostavi kompletnu informaciju vezanu za stanje stadiona Nogometnog kluba Vareš i pokrenutim aktivnostima u vezi rješavanja nastalog problema-štete.**

Nakon izjašnjavanja vijećnika predsjedavajući OV konstatuje da je **predloženi Zaključak jednoglasno usvojen.**

Ad. 15.

(Tekuća pitanja.)

1. Predsjedavajući OV upoznao je prisutne da je Vijeću od strane firme „EKVA“ d.o.o. Vareš dostavljen Zahtjev za usklađivanje stvarne površine zemljišta preduzeća, broj: 262/14 od 25.09.2014. godine. Zahtjev je dostavljen i predsjednicima Klubova. Upoznao je Vijeće da je na Kolegiju OV gore navedeni Zahtjev razmatran i Kolegij OV je tražio da nadležna Služba organa uprave uputi očitovanje firmi „EKVA“ d.o.o. Vareš po njihovom Zahtjevu..

Predsjedavajući OV u svom obraćanju zatražio je da nadležna Služba po okončanju rješavanja ovog Zahtjeva upozna Vijeće.

Za riječ se javio vijećnik Mario Mirčić u svom obraćanju sugerisao je da nadležni u organu uprave provjere postupak kupovine objekta i zemljišta sa kojima raspolaže „EKVA“ d.o.o. Vareš.

Vijećnik Elvir Rožajac skrenuo je pažnju na probleme-stanje radnika u firmi „EKVA“ d.o.o. Vareš.

Predsjedavajući OV je konstatovao da izlaganje vijećnika Elvira Rožajac nije predmet rasprave.

2. Predsjedavajući OV upoznao je prisutne da je Vijeću od strane gosp. Miroslava Pejčinović ul Benići Vareš, dostavljen zahtjev za sanaciju pristupnog puta u ulici

Benići i da je nadležna Služba, podnosiocu Zahtjeva i Stručnoj službi OV uputila očitovanje po istom.

3. Predsjedavajući OV upoznao je Vijeće da je Kolegij OV upoznat sa Urgencijom za hitnim rješavanjem problematike stanovnika MZ Višnjići –Daštansko u vezi izdavanja dozvola za sječu ogrijevnog drveta. Od strane nadležnih kojima je upućena Urgencija još nije dostavljeno očitovanje na osnovu koga bi Vijeće dalje postupalo.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Demo Kevrić, Mahira Brkić i Nikola Šimić.

4. Predsjedavajući OV upoznao je Vijeće o dostavljenom dopisu Udruženja građana penzionera-umirovljenika općine Vareš broj: 55/14 od 22.08.2014. godine, u kojem traže od Općinskog načelnika i Općinskog vijeća da u saradnji sa ŠPD Zavidovići i PJ Šumarija Vareš ponovo sagledaju pitanje otvaranja stovarišta ogrijevnog drveta u gradu.

Predsjedavajući OV je na osnovu dopisa predložio i stavio na izjašnjavanje slijedeći

Zaključak:

- **Uputiti zahtjev Udruženja građana penzionera-umirovljenika općine Vareš broj: 55/14 od 22.08.2014. godine Menadžmentu ŠPD Zavidovići i rukovodiocu PJ Šumarije Vareš, da isti ponovo sagledaju ovaj problem koji je već duže vrijeme prisutan i pristupe pozitivnom rješavanju otvaranja stovarišta ogreva za građane Vareša“.**

Nakon izjašnjavanja vijećnika predsjedavajući OV konstatuje da je **Zaključak jednoglasno usvojen.**

5. Predsjedavajući OV upoznao je Vijeće o dostavljenoj Inicijativi Kluba vijećnika BPS koja se odnosi na poništenje Odluke o utvrđivanju cijena komunalnih usluga i visinu naknade za priključno mjesto na području općine Vareš gdje je nosilac usluga JKP d.o.o. Vareš. Vijeće je upoznato i sa Izjašnjavanjem o inicijativu dostavljenom od strane Općinskog načelnika, broj: 02-1336/14 od 28.10.2014. godine u kome je predloženo da se navedena Inicijativa odbaci kao neosnovana.

Otvorena je rasprava u kojoj su učestvovali: vijećnik Ismet Abdulahović, predsjedavajući OV Zdravko Marošević i sekretar OV Leon Pavlović.

Sastavni dio ovog Zapisnika je audio zapis sjednice.

Sjednica je završena u 20,20 sati.

SEKRETAR

Leon Pavlović

ZAPISNIČAR

Azra Ibrahimović

PREDSJEDAVALAČI

Zdravko Marošević